



БОСНА И ХЕРЦЕГОВИНА  
Брчко дистрикт Босне и Херцеговине  
**ФОНД ЗДРАВСТВЕНОГ ОСИГУРАЊА**  
BOSNA I HERZEGOVINA  
Brčko district Bosne i Hercegovine  
**FOND ZDRAVSTVENOG OSIGURANJA**

Вука С. Карадића 4, 76100 Брчко дистрикт БиХ, тел. +387 49 211 102; 216 344, факс 215 116, ИБ 4600222830003:  
Vučka S. Karadžića 4, 76100 Brčko distrikat BiH, tel. +387 49 211 102; 216 344, faks 215 116, IB 4600222830003:  
web: [www.fzobrcko.ba](http://www.fzobrcko.ba), E-mail: [fzobrcko1@teol.net](mailto:fzobrcko1@teol.net),

Broj: 015/180/8-37/25

Brčko, 24.03.2025. године

Direktor Fonda zdravstvenog osiguranja Brčko distrikta BiH, na osnovu člana 18 stav (1) tačka g) Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07, 1/08, 3/15, 7/15, 41/16, 42/17, 50/18 i 23/20), u skladu sa članom 32 stav (1) člana 33 stav (1), člana 36 stav (1) i (2), člana 37, stav (1), (2), (3) i člana 48 stav (1) Zakona o zdravstvenom osiguranju Brčko distrikta BiH – prečišćeni tekst („Službeni glasnik Brčko distrikta BiH“, broj: 19/20 i 14/24), u skladu sa članovima 17 do 22 Pravilnika o ostvarivanju prava za vrijeme privremene spriječenosti za rad osiguranika Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 24/17) i Odlukom o najvišem i najnižem iznosu naknade plate („Službeni glasnik Brčko distrikta BiH“, broj: 24/17), donosi

## UPUTSTVO

### O NAČINU OBRAČUNA NAKNADA PLATA ZA VRIJEME PRIVREMENE SPRIJEČENOSTI ZA RAD I REFUNDACIJA ISPLAĆENIH NAKNADA PLATA

#### I OPŠTE ODREDBE

#### Član 1 (Predmet Uputstva)

Ovim Uputstvom bliže se uređuju uslovi, način i postupak obračuna i isplate naknade plate obveznika obračuna i uplate doprinosa za zdravstveno osiguranje plate za zaposlenika - osiguranika koji je privremeno spriječen za rad zbog povrede ili bolesti kada se naknada isplaćuje na teret sredstava obaveznog zdravstvenog osiguranja, potrebna dokumentacija uz zahtjev za refundaciju isplaćene naknade plate i druga pitanja od značaja za provođenje prava osiguranika Fonda zdravstvenog osiguranja Brčko distrikta BiH (u daljem tekstu: Fond)

#### Član 2

##### (Prava za vrijeme privremene spriječenost za rad)

Pravo na novčanu naknadu ostvaruje osiguranik, zaposlen kod obveznika obračuna i uplate doprinosa za zdravstveno osiguranje – poslodavca za vrijeme privremene spriječenosti za rad prema odredbama Zakona o zdravstvenom osiguranju Brčko distrikta BiH.

#### Član 3

##### (Naknada plate za vrijeme privremene spriječenosti za rad)

- (1) Osiguranik iz člana 2 ovog Uputstva ima pravo na isplatu naknade plate za vrijeme privremene spriječenosti za rad u slučajevima utvrđenim Zakonom o zdravstvenom osiguranju Brčko distrikta BiH i Pravilnikom o ostvarivanju prava za vrijeme privremene spriječenosti za rad osiguranika Fonda zdravstvenog osiguranja Brčko distrikta BiH.
- (2) Osiguraniku se isplaćuje naknada plate samo za dane za koje bi mu pripadala plata ili kompenzacija plate u smislu propisa o radnim odnosima i drugih propisa kojim se to reguliše.

## **II REFUNDACIJA ISPLAĆENIH NAKNADA PLATA**

### **Član 4.**

#### **(Pravo na refundaciju isplaćenih naknada plata za vrijeme privremene spriječenosti za rad)**

Pravo na refundaciju isplaćene naknade plate za vrijeme privremene spriječenosti za rad ostvaruje poslodavac za svog zaposlenog koji je privremeno spriječen za rad u skladu sa članom 3 ovog Uputstva i pod uslovom da je zaposlenom izvršio obračun i isplatu naknade plate i uplatu propisanog doprinosa za zdravstveno osiguranje Fondu.

### **Član 5.**

#### **(Zahtjev za refundaciju isplaćenih naknada plata)**

Zahtjev za refundaciju sredstava na ime isplaćene naknade plate za vrijeme privremene spriječenosti za rad, poslodavac podnosi Fondu na propisanom obrascu, u zahtjev unosi podatke o obračunatoj i isplaćenoj naknadi plate i prilaže dokumentaciju propisanu članom 6 ovog Uputstva.

### **Član 6.**

#### **(Prilozi zahtjeva)**

- 1) popunjten, potpisani i ovjeren izvještaj o trajanju privremene nesposobnosti-spriječenosti za rad (doznaka za bolovanje);
- 2) potvrdu o ostvarenim platama za tri mjeseca koja prethode mjesecu u kojem je nastala privremena spriječenost za rad-Obrazac ZR-PL; (**prilikom prvog podnošenja zahtjeva**)
- 3) tri platne liste za mjesecce koje prethode mjesecu u kojem je nastala privremena spriječenost za rad; (**prilikom prvog podnošenja zahtjeva**)
- 4) dokaz o visini osnovice na koju su obračunati i uplaćeni doprinosi za obavezno zdravstveno osiguranje za tri mjeseca koja prethode mjesecu u kojem je nastao slučaj privremene spriječenosti za rad (specifikacije ili rekapitulacije ili obrasce MIP-1023 ovjerene od strane Poreske uprave ili obrasce 1002); (**prilikom prvog podnošenja zahtjeva**)
- 5) dokaz o isplaćenim platama za tri mjeseca koja prethode mjesecu u kojem je nastala privremena spriječenost za rad (izvod iz banke ili nalog za plaćanje); (**prilikom prvog podnošenja zahtjeva**)
- 6) popunjten, potpisani i ovjeren spisak isplaćenih naknada plata radnicima (obrazac EZ-6);
- 7) dokaz o isplaćenoj naknadi plate za mjesec/e na koji/e se odnosi zahtjev za (izvod iz banke ili nalog za plaćanje);
- 8) dokaz o visini osnovice na koju su obračunati i uplaćeni doprinosi za obavezno zdravstveno osiguranje za mjesec/e na koji/e se odnosi zahtjev (specifikacija ili rekapitulacija ili obrazac MIP-1023 ovjerjen od strane Poreske uprave ili obrazac 1002);
- 9) platnu/e listu/e za mjesec/e na koje se odnosi zahtjev i
- 10) **za poslodavce za koje je, propisima kojima se utvrđuje minimalna cijena rada, ista utvrđena u različitom iznosu prema stručnoj spremi radnog mjesta zaposlenika potrebno dostaviti** popunjenu, ovjerenu i potpisana Izjavu od strane poslodavca - podnosioca zahtjeva o stručnoj spremi radnog mjesta na kojem zaposlenik privremeno spriječen za rad obavlja poslove ili kopiju prijave na penzijsko invalidsko osiguranje u kojoj je navedena stručna spremna radnog mjesta na koje se zaposlenik zapošljava.

## **III OBRAČUN NAKNADE PLATE ZA VRIJEME PRIVREMENE SPRIJEČENOSTI ZA RAD**

### **Član 7**

#### **(Osnovica za obračun naknade plate za vrijeme privremene spriječenosti za rad)**

Naknada plate za vrijeme privremene spriječenosti za rad obračunava se od osnovice plate koju čini prosječna isplaćena neto plata osiguranika za broj sati redovnog rada bez dodataka u posljednja 3 mjeseca, koja prethode mjesecu u kojem nastupi slučaj na osnovu kojeg se stiče pravo na naknadu, u visini 80%, odnosno 100% u slučajevima privremene spriječenosti za rad zbog čuvanja trudnoće, transplantacije organa i malignog oboljenja.

## Član 8

### (Najniži i najviši iznos refunacije naknade plate)

(1) Najniži i najviši iznos naknade plate za vrijeme privremene spriječenosti za rad na teret sredstava zdravstvenog osiguranja, utvrđuje se aktom Fonda.

(2) Refundacija isplaćene naknade plate za vrijeme privremene spriječenosti za rad za zaposlenog kod poslodavca, ne može biti ispod minimalnog, niti iznad maksimalnog iznosa naknade plate utvrđenih aktom Fonda.

(3) Ukoliko je naknada plate za vrijeme privremene spriječenosti za rad obračunata u skladu sa utvrđenom osnovicom za obračun naknade plate za vrijeme privremene spriječenosti za rad ispod najniže plate propisane u entitetima BiH (u zavisnosti od prijave na penzijsko-invalidsko osiguranje), zaposlenom se isplaćuje najniža plata prema propisima entiteta BiH koju je Fond dužan refundirati poslodavcu. U slučajevima kada zaposleni nije privremeno spriječen za rad puni broj sati za cijeli mjesec, naknada plate se obračunava srazmjerno broju sati koje je bio privremeno spriječen za rad (najniža plata / broj sati u mjesecu x broj sati privremene spriječenosti za rad).

(4) Ukoliko je naknada plate za vrijeme privremene spriječenosti za rad obračunata u skladu sa utvrđenom osnovicom za obračun naknade plate za vrijeme privremene spriječenosti za rad isplaćena u iznosu višem od propisanog aktom Fonda, Fond je u obavezi refundirati iznos naknade plate utvrđen Odlukom Fonda o najvišem i najnižem iznosu naknade plate. Ako zaposlenik nije privremeno spriječen za rad cijeli mjesec, naknada plate se obračunava srazmjerno broju sati koje je bio privremeno spriječen za rad (najviši iznos naknade plate/broj sati u mjesecu x broj sati privremene spriječenosti za rad).

## Član 9.

### (Primjeri obračuna)

Primjenom propisa o doprinosima i porezima Brčko distrikta BiH i obračuna doprinosa za penzijsko-invalidsko osiguranje u entitetima Bosne i Hercegovine na osnovu kojih je najniži iznos naknade plate čini iznos koji se dobije kada se najniža bruto plata umanji za doprinose doprinosa za penzijsko-invalidsko osiguranje i doprinose i porez iz plata prema propisima Brčko distrikta Bosne i Hercegovine, sastavni dio ovog Uputstva čine primjeri obračuna plate za osiguranike Fonda, zaposlene kod poslodavca koji Fondu podnosi zahtjev za refundaciju isplaćene naknade plate u skladu sa ovim Uputstvom, a prema prijavi na Fond PIO/MIO, i to:

#### FOND PIO/MIO FEDERACIJA BIH:

##### SA OSLOBAĐAJUĆIM IZNOSOM

Minimalac FBIH 2025	
OSNOVICA ZA BRUTO	BRUTO
1.000,00	1.562,00
PIO 17%	265,54
ZDRAVSTVO 12%	187,44
NEZAPOSLENOST 1,5%	23,43
NETO PRIJE POREZA	<b>1.085,59</b>
OSLOBAĐAJUĆI IZNOS	1.200
OSNOVICA ZA POREZ	0,00
POREZ 10%	0,00
NETO ZA ISPLATU	<b>1.085,59</b>

##### BEZ OSLOBAĐAJUĆEG IZNOSA

Minimalac FBIH 2025	
OSNOVICA ZA BRUTO	BRUTO
1.000,00	1.610,30
PIO 17%	273,75
ZDRAVSTVO 12%	193,24
NEZAPOSLENOST 1,5%	24,15
NETO PRIJE POREZA	<b>1.119,16</b>
OSLOBAĐAJUĆI IZNOS	0
OSNOVICA ZA POREZ	1.119,16
POREZ 10%	111,92
NETO ZA ISPLATU	<b>1.007,24</b>

**FOND PIO REPUBLIKA SRPSKA:**

Minimalac RS - 1	
NK - 900,00	
BRUTO	1344,26
ZDRAV. 12%	161,31
PIO 18,5%	248,69
NEZAP. 1,5%	20,16
UKUP.DOPR.	430,16
NETO PRIJE OPOR.	914,10
OSLOB.IZNOS	1200,00
OSNOV.ZA POREZ	0,00
POREZ 10%	0,00
NETO	914,10

Minimalac RS - 2	
KV -III GODINE SSS - 950,00	
BRUTO	1426,23
ZDRAV. 12%	171,15
PIO 18,5%	263,85
NEZAP. 1,5%	21,39
UKUP.DOPR.	456,39
NETO PRIJE OPOR.	969,84
OSLOB.IZNOS	1200,00
OSNOV.ZA POREZ	0,00
POREZ 10%	0,00
NETO	969,84

Minimalac RS - 3	
4 GODINE SSS - 1.000,00	
BRUTO	1508,20
ZDRAV. 12%	180,98
PIO 18,5%	279,02
NEZAP. 1,5%	22,62
UKUP.DOPR.	482,62
NETO PRIJE OPOR.	1025,58
OSLOB.IZNOS	1200,00
OSNOV.ZA POREZ	0,00
POREZ 10%	0,00
NETO	1025,58

Minimalac RS - 4	
VŠS/VSS - 1.300,00 SA POREZOM	
BRUTO	2000,00
ZDRAV. 12%	240,00
PIO 18,5%	370,00
NEZAP. 1,5%	30,00
UKUP.DOPR.	640,00
NETO PRIJE OPOR.	1360,00
OSLOB.IZNOS	1200,00
OSNOV.ZA POREZ	160,00
POREZ 10%	16,00
NETO	1344,00

Minimalac RS -5	
VŠS/VSS - 1.300,00 BEZ POREZA	
BRUTO	2000,00
ZDRAV. 12%	240,00
PIO 18,5%	370,00
NEZAP. 1,5%	30,00
UKUP.DOPR.	640,00
NETO PRIJE OPOR.	1360,00
OSLOB.IZNOS	1800,00
OSNOV.ZA POREZ	0,00
POREZ 10%	0,00
NETO	1360,00

**Član 10.**

**(Prilog)**

1) Izjava iz člana 6 tačka 10, nalazi se u prilogu ovog Uputstva i čini njegov sastavni dio.

**Član 11.  
(Stupanje na snagu)**

Ovo Uputstvo stupa na snagu danom donošenja.

Dostaviti:

- zamjenici direktora x2
- šefovi Službi x3
- referent za administrativne poslove
- interni kontrolor
- web stranica
- evidencija
- a/a

**DIREKTOR**

Radomir Nikolić, dipl. pravnik, s.r.